

სახელმწიფო შესყიდვის შესახებ
ხელშეკრულება №56

ქ. ბათუმი

23 ოქტომბერი 2015 წ.

სახელმწიფო შესყიდვების განხორციელების მიზნით, სახელმწიფო შესყიდვების შესახებ საქართველოს კანონის მე-3 მუხლის 1-ლი პუნქტის „ს“ ქვეპუნქტისა და სახელმწიფო შესყიდვების სააგენტოს თავმჯდომარის „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ 2011 წლის 7 აპრილის №9 ბრძანების მე-3 მუხლის I პუნქტის „ა“ ქვეპუნქტის შესაბამისად, ერთის მხრივ, ქალაქ ბათუმის მუნიციპალიტეტის საკრებულო (შემდგომში „შემსყიდველი“), წარმოდგენილი საკრებულოს აპარატის უფროსის პარმენ მგელაძის სახით და მეორეს მხრივ შპს „გლობალ ექსპერტი“ მისი დირექტორი: დავით გოგლიჩიძე სახით, (შემდგომში – „მიმწოდებელი“), ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. ხელშეკრულება სახელმწიფო შესყიდვების შესახებ (შემდგომში - ხელშეკრულება) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით. ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე, აქედან ერთი ეგზემპლარი გადაეცემა მიმწოდებელს, ერთი – შემსყიდველს.
- 1.2. ხელშეკრულების ღირებულება – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. დღე, კვირა, თვე – კალენდარული დღე, კვირა, თვე.
- 1.4. შემსყიდველი – ორგანიზაცია, რომელიც ახორციელებს შესყიდვას.
- 1.5. მიმწოდებელი – პირი, რომელიც ახორციელებს საქონლის, მომსახურების ან სამუშაოს მიწოდებას ხელშეკრულების ფარგლებში.
- 1.6. საქონელი – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. მომსახურება – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 წინამდებარე ხელშეკრულების საგანს წარმოადგენს (კლ. კოდი CPV-48761000 - ანტივირუსული პროგრამების პაკეტი) „Kaspersky Endpoint Security“ ანტივირუსის პროგრამის მიწოდება (საკუთრებაში გადაცემა). შესასყიდი საქონლის (შემდგომში – საქონელი) ოდენობა და მისი საცალო ფასი განისაზღვრება ხელშეკრულების დანართში, რომელიც წარმოადგენს ამ ხელშეკრულების განუყოფელ ნაწილს და მისი თანმდები მომსახურებით (მოხსნა/დაყენება, შეცვლა).

2.2 წინამდებარე ხელშეკრულების საფუძველზე „მიმწოდებელი“ ვალდებულია „შემსყიდველს“ მიაწოდოს საქონელი ამ ხელშეკრულებით გათვალისწინებული პირობების შესაბამისად.

ხელშეკრულების ღირებულება

- 3.1. ხელშეკრულების საერთო ღირებულება შეადგენს 2460 (ორი ათას ოთხას სამოცი ლარს).
- 3.2 საქონლის ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.

4. ანგარიშსწორების ფორმა და ვადები

4.1. მიმწოდებელთან ანგარიშსწორება შემსყიდველის მიერ განხორციელდება უნაღდო ანგარიშსწორების ფორმით ეროვნულ ვალუტაში ხელშეკრულებით გათვალისწინებულ რეკვიზიტებზე გადარიცხვით.

4.2. მიმწოდებელთან ანგარიშსწორება შემსყიდველის მიერ იწარმოებს ხელშეკრულებით გათვალისწინებული საქონლის მიწოდების (მისი თანმდები მომსახურებით (მოხსნა/დაყენება, შეცვლა), მიღება-ჩაბარების აქტისა და შესაბამისი სასაქონლო ზედნადების (საგადასახადო ანგარიშ-ფაქტურის) საფუძველზე.

4.3 მიმწოდებელთან ანგარიშსწორება განხორციელდება სასაქონლო ზედნადების (საგადასახადო ანგარიშფაქტურის) წარდგენიდან 10 კალენდარული დღის განმავლობაში.

4.4 საქართველოს კანონმდებლობით გათვალისწინებულ ყველა გადასახადის გადახდაზე პასუხისმგებელია მიმწოდებელი;

5. მიღება-ჩაბარების წესი

5.1. საქონელი ჩითვლება მიღებულად სასაქონლო ზედნადების (საგადასახადო ანგარიშფაქტურის) დადასტურების საფუძველზე. მოცემულ შემთხვევაში მიღება-ჩაბარების აქტს წარმოადგენს მიმწოდებლის მიერ წარდგენილი და შემსყიდველის მიერ დადასტურებული სასაქონლო ზედნადები (საგადასახადო ანგარიშფაქტურა).

5.2. საქონელი ჩაითვლება მიღებულად მხოლოდ ფაქტიურად გაწეული საქონლის მიწოდების მომსახურების შემდეგ.

5.3. გამოვლენილი დეფექტების ან ნაკლის აღმოფხვრასთან შესყიდვის ობიექტის მიღება და საბოლოო შემოწმება ხდება საქონლის მოწოდების ადგილზე.

5.4. შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6. საქონლის მიწოდების ადგილი, ვადა და პირობები

6.1. წინამდებარე ხელშეკრულების გათვალისწინებული საქონლის მიწოდება მისი თანმდები მომსახურებით (მოხსნა/დაყენება, შეცვლა), უნდა განხორციელდეს სახელმწიფო შესყიდვების შესახებ ხელშეკრულების გაფორმებიდან 05 კალენდარული დღის განმავლობაში, ქალაქ ბათუმში ლუკა ასათიანის ქუჩა 25 -ში ქ. ბათუმის მუნიციპალიტეტის საკრებულოს ადმინისტრაციულ შენობაში.

7. მხარეთა უფლება-მოვალეობანი

შემსყიდველი და მიმწოდებელი მოქმედებს „სახელმწიფო შესყიდვების შესახებ“ სრული დაცვით.

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) საქონლის მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

7.2. შემსყიდველი ვალდებულია:

ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

ბ) უზრუნველყოს შესყიდვის ობიექტის მიღება.

7.3. მიმწოდებელს უფლება აქვს მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა;

ბ) მიაწოდოს შემსყიდველს ხელშეკრულებით გათვალისწინებული საქონელი;

გ) მიაწოდოს საქონელი სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულების 6.1. პუნქტში.

დ) მიაწოდოს შემსყიდველს ხელშეკრულებით გათვალისწინებული საქონელი; შემსყიდველს მოთხოვნისამებრ, შემსყიდველის მისამართზე, საკუთარი საშუალებებით;

ე) შემსყიდველს მიაწოდოს საქონელი, რომელიც იქნება საქართველოში მოქმედ სანიტარულ და ხარისხის სტანდარტებისადმი შესაბამისობაში.

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულების შესრულების შემსყიდველის მხრიდან კონტროლს და ტექნიკურ ზედამხედველობას განახორციელებს ქ. ბათუმის საკრებულო აპარატის მასმედისთან და საზოგადოებასთან ურთიერთობის განყოფილების მთავარი სპეციალისტი ბადრი წულუკიძე. შემსყიდველს უფლება აქვს ხელშეკრულების მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული უფლებამოსილება ინდივიდუალურ ადმინისტრაციულ-სამართლებრივი აქტით მიანიჭოს ქ. ბათუმის საკრებულოს აპარატის სხვა თანამშრომელს, ან/და შესაბამისი ხელშეკრულების საფუძველზე ნებისმიერ სხვა პირს. შესყიდველის ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის ინდივიდუალურ ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით.

8.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

8.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8.4 შემსყიდველი მიმწოდებელთან ერთად აწარმოებს კონტროლს საქონლის მიწოდების მიმდონარეობაზე, თანახმად საქართველოში მოქმედი ყველა ნორმების, სტანდარტების და წესებისა, რომელთა დარღვევის შემთხვევაში შემყიდველს გააჩნია უფლება შეაჩეროს საქონლის მიღება და განახორციელოს კანონით გათვალისწინებული სანქციები.

8.5 მიწოდებული ვალდებულია შემსყიდველს მიაწოდოს მხოლოდ ის საქონლის რომელთა ხარისხი შეესაბამება საქართველოში მოქმედ სტანდარტებსა და ნორმებს, წინამდგეგ შემთხვევაში შემსყიდველი უფლება მოსილია გამოიყენოს მიმწოდებლის მიმართ პასუხისმგებლობის ღონისძიებები.

9. სტანდარტები

9.1. ხელშეკრულების ფარგლებში საქონელი უნდა შეესაბამებოდეს ტექნიკურ პარამეტრებში მითითებულ სტანდარტებს.

10. პირგასამტეხლო ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულების შესრულების ვადის გადაცილების (3 დღეზე მეტი პერიოდით საქონლის მიუწოდებლობა) შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე ხელშეკრულების შეუსრულებელი ვალდებულების 0.2 %-ის ოდენობით.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5% (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ამ ხელშეკრულებით გათვალისწინებული პირგასამტეხლოს ანაზღაურება.

10.3. საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან.

10.4 ხელშეკრულებით ნაკისრი ვალდებულების შესრულების ვადის გადაცილების, ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის შემსყიდველის მიერ ხელშეკრულების შეწყვეტის შემთხვევაში მიმწოდებელს ამ ხელშეკრულების 10.1. პუნქტით გათვალისწინებულ პირგასამტეხლოსთან ერთად ეკისრება პირგასამტეხლო ხელშეკრულების საერთო ღირებულების 10% პროცენტის ოდენობით.

10.5. იმ შემთხვევაში თუ მიმწოდებელმა უზრუნველყო ამ ხელშეკრულებით ნაკისრი ვალდებულებების ნაწილობრივ შესრულება მაშინ:

ა) შემსყიდველი ღებულობს გადაწყვეტილებას ხელშეკრულების ცალმხრივად შეწყვეტის შესახებ ამ ხელშეკრულების შესაბამისად;

ბ) მიმწოდებელს შესრულებული ვალდებულების ღირებულებაში (ანგარიშწორების თანხაში) დაეჭვითება ამ ხელშეკრულებით გათვალისწინებული პირგასამტეხლოს თანხა;

გ) მიმწოდებელთან ანგარიშწორება მოხდება ფაქტობრივად შესრულებული ვალდებულების შესაბამისად იმ მოცულობით რაც რჩება ამ პუნქტის „ბ)“ ქვეპუნქტის შესაბამისად პირგასამტეხლოსათვის გამოქვითული თანხის გარეშე.

11. ხელშეკრულებაში ცვლილებების შეტანა

11.2 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.3 თუ რაიმე წინასწარი გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილებების ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.4 ხელშეკრულების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფრელ ნაწილად.

11.5 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.6 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.7 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.8 მხარე, ვალდებულია არანაკლებ 3 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ხელშეკრულების შეწყვეტის თაობაზე

11.9 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12 უფლებების გადაცემა

12.1 მიმწოდებელმა შემსყიდველის წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები. დაუშვებელია მიმწოდებლის მიერ ნაკისრი ვალდებულებების გადაცემა, თუ ვალდებულებების მიმღები ვერ აკმაყოფილებს სატენდერო დოკუმენტაციით მიმწოდებლისათვის დაწესებულ მოთხოვნებს.

13 სუბკონტრაქტორები

13.1 მიმწოდებელმა წერილობით უნდა აცნობოს შემსყიდველს მოცემული ხელშეკრულების ფარგლებში დადებული ყველა სუბკონტრაქტის შესახებ, თუ ეს უკვე არ არის მითითებული სატენდერო წინადადებაში.

13.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

13.3 ამ ხელშეკრულების ფარგლებში დადებული ყველა სუბკონტრაქტი არ ათავისუფლებს მიწოდებელს ხელშეკრულებით არსებული მატერიალური ან სხვა ვალდებულებებისაგან.

14 ხელშეკრულების შეწყვეტა

14.1 ხელშეკრულება შეიძლება ვადამდე მოიშალოს:

14.1.1 მხარეთა ორმხრივი შეთანხმებით. დაუშვებელია მიმწოდებლის მიერ ხელშეკრულების შეწყვეტა შემსყიდველის თანხმობის გარეშე.

14.1.2 შემსყიდველის მიერ ხელშეკრულება შეიძლება ცალმხრივად ვადამდე მოიშალოს (შეწყდეს):

- ა) მიმწოდებლის მიერ ხელშეკრულებით ნაკისრი ვალდებულებების ვადის გადაცილების შემთხვევაში ამ ხელშეკრულების შესაბამისად;
- ბ) მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში;
- გ) თუ შემსყიდველისათვის ცნობილი გახდა რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) საქართველოს კანონმდებლობით გათვალისწინებულ სხვა შემთხვევაში.

15. დაუძლეველი ძალა

15.1 ამ პუნქტის მიზნებისათვის „დაუძლეველი ძალის გარემოება“ ნიშნავს მხარეთა ნებისა და კონტროლისაგან დამოუკიდებელი გარემოებებს, რომელს არ არის დაკავშირებული მხარეთა შეცდომებსა და დაუდევრობასთან და რომელთა თავიდან აცილებაც შეუძლებელია მიუდებლად მხარეთა გონივრული მცდელობებისა და რომელთაც მიეკუთვნება, მაგრამ არ შემოიფარგლება ამით:

ა. სამხედრო მოქმედება, ბლოკადა, მობილიზაცია, ემბარგო;

ბ. რევოლუცია, სამხედრო ან უკანონო ქმედება, სამოქალაქო ომი;

გ. სტიქიური უბედურობები;

დ. სხვა გარემოებები, რომლებიც საყოველთაოდ აღიარებულია ფორს-მაჟორულ გარემოებად ანდა რომელს ასეთად აღიარებულია ხელისუფლების ორგანოების მიერ.

15.2. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით ან არაჯეროვანი შეუსრულებლობის გამო პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

15.3. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია რაც შეიძლება სწრაფად შეატყობინოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

15.4 დაუძლეველი ძალის გარემოებების გამო მხარეები პასუხისმგებლობისაგან თავისუფლდებიან მხოლოდ იმ დროითა და მოცულობით რაც აუცილებელია დაუძლეველი ძალის გარემოებების გამოწვეული პრობლემების მოგვარებისათვის.

15.5 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

15.6 იმ შემთხვევაში თუ მხარეები თანხმდებიან ფორს-მაჟორული გარემოებების გამო ხელშეკრულების პირობების შეცვლაზე, მათ შორის ხელშეკრულებით გათვალისწინებული ვადის გაგრძელებაზე, ეს გადაწყვეტილება უნდა გაფორმდეს წინამდებარე ხელშეკრულებაში ცვლილებების შეთანხმებით. ამასთან ხელშეკრულების პირობების შეცვლა უნდა მოხდეს მხოლოდ იმდროითა და მოცულობით რაც აუცილებელია დაუძლეველის ძალის სიტუაციით გამოწვეული პრობლემების მოგვარებისათვის.

16. დავები და მათი გადაწყვეტის წესი

16.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთიშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

17. ხელშეკრულების მოქმედების ვადა

17.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2016 წლის 31 დეკემბრის ჩათვლით.

17.2. საქონლის მიწოდება/მომსახურება მისი თანმდები მომსახურებით (მოხსნა/დაყენება, შეცვლა) უნდა განხორციელდეს 2015 წლის 02 ნოემბრიდან; 2016 წლის 02 ნოემბრის ჩათვლით;

18 სხვა პირობები

18.1 წინამდებარე ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად, რომლის თითო ეგზემპლარი გადაეცემათ ხელშეკრულების მხარეებს.

18.2 სხვა საკითხები რომელიც მოწესრიგებული არ არის წინამდებარე ხელშეკრულებით წესრიგდება საქართველოს მოქმედი კანონმდებლობის შესაბამისად.

19. მხარეთა იურიდიული მისამართები და რევიზიტები:

„შემსწოდველი“

ალაქ ბათუმის მუნიციპალიტეტის საკრებულო

ქ. ბათუმი, ლ. ასათიანის ქ. №25

ს.კ 245576005

ს ს „ლიბერთი ბანკი“-ს

ბ. კ. LBRTGE22;

ანგ. № GE51LB0120134812705002

ქ. ბათუმის საკრებულოს აპარატის უფროსი

პარმენ მგელიაძე

(ხელმოწერა)



„მიმწოდებელი“

შპს „გლობალ ექსპერტი“

ს.კ №245620573

ქ. ბათუმი, ფარნავაზ მეფის №26

დირექტორი: დავით გოგლიჩიძე

ელ. ფოსტა: w.globalexpert@gmail.com

ბანკი: სს „საქართველოს ბანკი“

ბანკის კოდი: BAGAGE22

ანგარიში №GE73BG000000851918600



დანართი

N ^o	საქონლის დასახელება	რ-ბა	ერთ.ფასი	ჯამი (ლარი)
1	„Kaspersky Endpoint Security ” - ანტივირუსი	60	41.00	2460.00
	სულ:			2460.00

„შ ე მ ს ყ ი დ ვ ე ლ ი“

ქ. ბათუმის საკრებულოს
საპარატის უფროსი



მარმენ მგელაძე

[Handwritten signature]

„მ ი მ წ ო დ ე ბ ე ლ ი“

შპს „გლობალ ექსპერტი“
დირექტორი:

დავით გრგოლიძე



[Handwritten signature]